



UKA 2017/105

5/10-2017

Justus Hansen

Uunga siunnersuut: Illuliorititernernut aningaasalersuineq pillugu Inatsisartut inatsisaat nr. xx, xx.xxxx 2017-imeersoq.

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

(Siullermeerneqarnera)

Demokraatit ersarissumik politikkeraat, sapinngisamik innuttaasut amerlanerpaat nammineq illutaarsinnaanissaat.

Manna siunnersuut pissutaalluni immikkoortoq kommuninut tunniunneqassaaq. Taamaasilluni aalajangiisarnissat innuttaasunut ataasiakkaanut qanimut suleqatiginerullugit pisolissapput aamma innuttaasut taarsigassarserusuttut pisortat oqartussaaffiannut ataasiinnarmut saaffiginnittalissapput. Allaffissorneq minnerulissaaq tamannalu pitsaasutut isigaarput.

Tamatuma saniatigut pitsaasutut isigaarput, innuttaasunut illoqarfinni minnerni, nunaqarfinni isorliunerusunilu najugaqartunut ajornannginnerulissaaq nammineq illutaarniarnissaq.

Paarlattuanilli iluarinngilarput pisarnertut Nuummiut akiliisinneqassammata. Nuummi inissaqarniarneq suli ingerlalluannigilaq. Utaqqisorpassuupput aamma Demokraatini annilaangavugut siunnersuutip matuma kingunereriataarsinnaammagu, nammineq illutaarnissaq pilerinannginnerulernissaa, tamannami pissappat pisortat inissiaataat pilerigineqarnerulersussaapput. Taamaattumik qinnutigissuarput siunnersuutip Nuummi inissaqarniarnermut kingunissai sukumiisumik misissorneqassasut qaqilerneqarlutillu.

Aamma Demokraatini ernumanaaluttutut isigaarput iluarsartuussinissamut siunnersuummik takoqqikkatta, sipaaruteqarnermik kinguneqartussaannigitsumik. Iluarsartuussiniartilluni siunertat ilagisarpaat aningaasanik sipaaruteqarnissaq, inuiaqatigiinni tungiuineq siunissami



qularnaarumallugu. Iluarsartuussinissarli siunertaralugu suliniutit amerlavallaat ajoraluartumik ilisarnaatigisarpaat aningaasanik sipaaruteqartoqanngitsoortarnera, tamatumalu kingunerisarpaa inuiaqatigiinni tungiuinissap siunissami qularnaarneqanngitsoortarnera. Tamanna ajornartorsiutaavoq aamma ajornartorsiutaavoq nammineq aanngartussaanngitsoq.

Iluarsartuussiniarluni sulineq eqqarsaatigalugu ajoraluartumik nalinnaasarpog isertukuluttutut pissuseqartoqartarnera paasiuminaatsumillu ingerlatsisoqartarnera. Suliat sumut killinnerinut malinnaanissaq imaannaanngitsuusarpog aamma sualummik ajornakusoortarpog takussallugu qaqugu Naalackersuisut iluarsartuussissamaarnersut, isertitanik amerlanerulersitsisunik kiisalu aningaasartuutunik ikinnerulersitsisunik.

Taamatut oqaaseqarluta siunnersuutip Sanaartornermut Ataatsimiititaliami suliareqqinneqassasog innersuupparput.